

**PREDMET: Obavijest na postupanje**

Svi građani područja općine Travnik imaju prava i dužnosti u zaštiti i spašavanju shodno Zakonu o zaštiti i spašavanju ljudi i materijalnih dobara ("Službene novine Federacije BiH", br. 39/03, 22/06 i 43/10) kako slijedi:

- a) **Provoditi zaštitu i spašavanje** – spašavanje provode građani, organi vlasti, privredna društva i druga pravna lica, službe zaštite i spašavanja, štabovi, jedinice i povjerenici civilne zaštite, u okviru svojih prava i dužnosti, a na principima saradnje, solidarnosti i uzajamnosti svih učesnika u sprečavanju, otklanjanju ili ublažavanju posljedica djelovanja prirodnih ili drugih nesreća);
- b) **Provoditi osobnu i uzajamnu zaštitu građana** – zaštita se provodi u stambenim i poslovnim zgradama, javnim objektima, naseljima (selo, zaseok i druga naselja), objekti u kojima su smješteni organi vlasti i druge institucije, mjesne zajednice, škole, bolnice i druge ustanove, privredna društva i sva druga pravna lica, a podrazumjeva prvu pomoć i samopomoć, zbrinjavanje djece i nemoćnih osoba i druge hitne intervencije u ZiS ljudi i materijalnih dobara);
- c) **Pomagati u skladu sa svojim mogućnostima i sposobnostima;**
- d) **Sudjelovati u civilnoj zaštiti i sudjelovati u obavezi davanja materijalnih sredstava za potrebe civilne zaštite;**
- e) **Sudjelovati u zaštiti i spašavanju** – radnosposobni građani od 18 do 60 godina života muškarci, odnosno 18 do 55 godina života žene;
- f) **Dužni su se odazvati pozivu ovlaštenog tijela civilne zaštite;**
- g) **Neodazivanje pozivu i nepoduzimanje naređenih mjera ZiS povlači prekršajnu odgovornost. Kaznit će se za prekršaj, novačnom kaznom u iznosu od 100,00 KM do 1.000,00 KM, građanin ako:**
  - ne daje na privremeno korištenje civilnoj zaštiti sredstva, zemljište, objekte i druga sredstva (član 16. stav 1.);
  - se ne odazove pozivu nadležnog štaba, uprave ili službe civilne zaštite, radi učešća u zaštiti i spašavanju (član 17.);
  - ne provodi mjere i postupke lične i uzajamne zaštite (član 41.);

**Obavještavaju** se građani, pravna lica - javne ustanove, javna preduzeća, privredna društva, samostalne zanatske radnje itd. i fizička lica područja općine Travnik na poduzimanje operativnih mjere prouzrokovan obilnim snježnim padavinama od 02.02.2012. godine i poduzimanje **preventivnih** mjera u slučaju povećanja temperature i naglog topljenja snijega:

1. Kao vlasnici ili korisnici stambenog ili poslovnog objekta dužni ste redovno i pravovremeno održavati čistim od snijega i poledice pločnike ispred i prilazne puteve do svog objekta;
2. Snijeg ne odlagati:
  - U šahtove (kanalizacione, vodovodne i toplovodne), objekte površinske odvodnje, vodotoke;
  - Ne spriječavati prilaze drugim objektima;
  - Snijeg ili led koji prijeti pasti s krova vašeg stambenog ili poslovnog objekta dužni ste ukloniti sami ili angažovanjem stručnih službi.
3. Preventivne mjere uslijed prijetećeg ili štetnog djelovanja prirodne nesreće poplave:
  - Osigurati dodatnu odjeću, obuću i hranu (npr. gumene čizme, suhe deke, konzerve hrane, pitku vodu i sl.);
  - Električne, vrijedne i druge vodopropusne stvari neophodne za život iz prizemnica i nižih objekata izmjestiti na viši nivo;
4. Uslijed nastanka prirodne nesreće poplave:
  - prvenstveno treba zaštititi sebe i svoju porodicu,
  - smjestiti se na sigurno mjesto, višeg nivoa,
  - u slučaju prodora vode u prostorije isključiti elektro instalaciju,
  - poduzimati one mjere zaštite i spašavanja koje neće ugroziti vlastiti život,
  - pomoći svojim mješanima u zaštiti i spašavanju i
  - postupati po uputama Općinskog štaba civilne zaštite.

DOSTAVITI:

1. Naslovu,
2. Načelniku Općine,
3. Arhiva.

**POMOĆNIK NAČELNIKA**

***mr. Nura Adilović***